

ТОТЫҚСЫЗДАНҒАН КҮКІРТТІ СУТЕГІНІҢ КҮРІШТІ КӨШЕТТІК ТӘСІЛМЕН  
ӘСІРГЕНДЕГІ МАУСЫМДЫҚ ӨЗГЕРІСІ

**А.С. Сапаров, Г.А. Мұқанова**

*Ә.О. Оспанов атындағы Қазақ топырақтану және агрохимия ғылыми зерттеу институты, 050060, Алматы қаласы, Академқалашық, әл-Фараби даңғылы 75 В gulikok@mail.ru*

Мақалада топырақты алдын ала суға бастырып күрішті көшеттік тәсілмен отырғызу кезіндегі күкіртті сутегінің маусымдық өзгерісін зерттеудің нәтижелері келтірілген. Көшетті тәсілде дәстүрлік технологияда орын алған күкіртті сутегінің түқым өнуіне кері әсерін әлде-қайда бәсеке-сітуге болатыны анықталды.

**KIPIСПЕ**

Топырақ суға бастырылысымен онда күкіртті сутегінің түзілу процесі орын ала бастайды, көпшілік жағдайда оның жоғарғы деңгейі күріш дақылының түптену және масақтану кезеңіне сәйкес келеді.

Топырақты суға бастыру басталысымен аэробты микроағзалардың органикалық заттарды ыдыратуы, оттегін қолдануы көбейгенмен ортада тез арада анаэробты жағдай қалыптасады. Анаэробты бактериялар оттегі жоқ ортада өз тіршіліктері үшін электрондық акцепторлар есебінде тікелей минералды, органикалық заттарды және олардың ыдырауынан пайда болатын қосалқы өнімдерді де қолданады. Осылайша олар суға бастырылған топырақтың тотығу - тотықсyzдану потенциалын төмендегітеді.

Топырақта тотығу тотықсyzдану потенциалы төмендеген сайын тотық-қан ортада ерімейтін оксидтер  $Fe^{3+}$ ,  $Mn^{4+}$  және  $SO_4^{2-}$  тотықсyzданып, топырақ ерітіндісінде  $Fe^{2+}$ ,  $Mn^{2+}$  және  $H_2S$  түріне ауысады. Егер осы тотықсyzданған элементтердің концентрациясы көбейіп кетсе топырақ құрамында күріштің өсіп өнуіне қолайсыз жағдай пайдалады.

Күрішті дәстүрлі технологиямен еккен жағдайда топырақ құрамындағы күкіртті сутегінің түқымның далалық өнгіштігіне, өнгіштік энергиясына тікелей әсер ететіндігі дәлелденген [1].

Осылай орай жұмыстың мақсаты тотықсyzданған күкірттісүтектің суға бастырылған топырақта пайда болуы және

олардың табиғатын зерттеу болып табылады.

**ЗЕРТТЕУ НЫСАНЫ ЖӘНЕ ӘДІСТЕРІ**

Атызыды күріш егуге дейін суға бастыру кезіндегі топырақ түзілу процесстерінің ерекшеліктерін зерттеу үшін далалық тәжірибе жұмысы Балқаш ауданына қарасты Іле өзенінің төменгі ағысындағы Ақдала суармалы алқабында орналасқан күріш танаптарында жүргізілді. Зерттеу нысаны күріш алқабының араға уақыт салып суға бастырылып тұратын топырақтары және сол жерге аудандастырылған «Мадина» сорты.

Шаруашылықтың танабында төмендегі схема бойынша екі нұсқадан тұратын далалық тәжірибе жұмыстары жүргізілді.

1. Дәстүрлі күріш өсіру технологиясы.
2. Күрішті топырақты алдын ала суға бастыру арқылы көшеттеп өсіру технологиясы.

Тәжірибелік зерттеуде топырақтағы күкіртті сутекті анықтауда С.И. Кузнецовтың [2] иодометриалық әдісі қолданылды.

Топырақтың құрамындағы элементтердің ақықаттылық сенімді орташа мөлшерін анықтау ғылыми зерттеу жұмыстарының негізгі мақсаты болып табылады. Сондықтан зерттеу негізінде алынған аналитикалық мәліметтердің сандық мөлшерлері вариациалық-статистикалық өндеуден өтті (1-кесте). Топырақтан алынған өнімдерге статистикалық өндеу жасауда Б.А. Доспеховтың әдісі қолданылды және Excel 2003

компьютерлік бағдарламада өнделді.

#### НӘТИЖЕЛЕР ЖӘНЕ ОЛАРДЫ ТАЛДАУ

Есептеп шығарылған Стьюентт критерий барлық топырақ үлгілері үшін  $\alpha=0,05$  деп алған көрсеткіш бұл жағдайда тфакт. -дің ткес.-ден көп екендігін көрсетеді. Демек, барлық үлгі алу уақыттырында күкірттісутегінің орташа мөлшері статистикалық түрғыдан қарағанда ақи-

қатты сенімділік дәреже болып табылады. Төмен вариация коэффиценттері және айтарлықтай біріне-бірі жақын сенімді интервалда осының дәлелі бола алады.

Сондықтан, есептеп шығарылған күкірттісутегінің орташа мөлшерін әрі қарай күріш егілген топырақтағы маусымдық құбылыымды сипаттауға сенімді түрде қолдана аламыз.

1-кесте - Тәжірибелік нұсқа топырағының құрамындағы күкіртті сутегінің мөлшерінің вариациалық-статистикалық көрсеткіштері, мг/кг ( $n=3$  және  $t_{0,05}=3,2$ )


Ұлғі алу мерзімі	Статистикалық көрсеткіштер				
	$M \pm m$	Ауытқу шегі	$t_{\text{факт.}}$	$\pm t_{0,05} * m$	V, %
22.04.06.	$64,5 \pm 0,18$	$65,1 \div 65,7$	371	0,76	0
02.05.06.	$76,1 \pm 3,57$	$70,6 \div 82,8$	21	15,35	8
09.05.06.	$81,8 \pm 7,39$	$73,8 \div 96,6$	11	31,81	16
17.05.06.	$93,0 \pm 5,53$	$85,2 \div 103,7$	17	23,81	10
24.05.06.	$81,6 \pm 2,52$	$76,7 \div 85,0$	32	10,85	5
31.05.06.	$79,1 \pm 10,39$	$66,1 \div 99,6$	8	44,71	23
07.06.06.	$59,2 \pm 1,75$	$55,8 \div 61,5$	34	7,51	5
10.07.06.	$88,3 \pm 1,13$	$86,1 \div 89,9$	78	4,86	2
10.08.06.	$97,3 \pm 0,00$	$97,3 \div 97,3$	0	0,00	0
18.09.06.	$83,4 \pm 2,04$	$79,3 \div 85,6$	41	8,76	4

Кестедегі мәліметтерден байқайтынмыз - нұсқа топырағының құрамындағы күкіртті сутегінің орташа мөлшерінің статистикалық көрсеткіш сенімділігі 95 % құрайды.

Екі нұсқадан тұратын экспериментальды тәжірибеде тәжірибелік нұсқада топырақты суга бастырылғаннан бастап күкіртті сутегінің деңгейі ақырындан көтерілгені байқалады (1-сурет).

Тәжірибелік нұсқада күріш көшетін атызға отырғызыған уақыт күкіртті сутегінің мөлшерінің шарықтаған деңгейі 93,0 мг/кг болып, қайтадан төмендеген мерзіміне сай келіп отыр. Демек тәжірибелік нұсқада күріш көшетінің өсіп өнуіне қолайлы жағдай туады.

Суретте көрініп тұрғандай топырақ суга бастырылғаннан кейін екі аптаның ішінде күкіртті сутегінің мөлшері жоғарыладап, қайтадан өзінің бастапқы қалпына келе бастағаны көрініп тұр. Күкіртті сутегінің мөлшерінің екінші бір шарықтаған мезгілі күріш дақылының вегетациялық пісіп жетілу кезеңінің соңына сәйкес келеді. Бірақ бұл кездे оның өсімдіктің дамуына айтарлықтай зияны болмайды. Күкіртті сутегінің маусымдық құбылымын қорытындылай келе мынандай тұжырым айтуға болады. Суга бастырылған күріш егістігінде топырақта тотықсызданған күкіртті сутегі өсімдіктің барлық вегетациялық кезеңінде кездеседі.



1-сурет - Күкіртті сутегінің тәжірибелі анықтамаларының маусымдық мөлшерлері (вегетациялық тәжірибесінде)

Бақылау нұсқасындағы топырақтың құрамындағы күкіртті сутегінің мөлшерлерін анықтау нәтижесінің мәліметтерінің ақиқаттылық-сенімділігін анықтайды.


тайдын вариациялық статистикалық талдауда оның орташа мөлшері 95 % -тың деңгейде сенімді болады (2-кесте).

2-кесте-Бақылау нұсқасы топырақтарының құрамындағы күкіртті сутегінің вариациялық-статистикалық көрсеткіштері, мг/кг ( $n=3$  және  $t_{0,05}=3,2$ )

Үлгі алу мерзімі	Статистикалық көрсеткіштер				
	$M \pm m$	Ауытқу шегі	$t_{\text{факт}}$	$\pm t_{0,05} * m$	V, %
1	2	3	4	5	6
22.04.06.	$65,5 \pm 0,15$	$65,3 \div 65,8$	451,0	0,63	0,0
02.05.06.	$52,2 \pm 0,33$	$51,5 \div 52,5$	156,0	1,43	1,0
09.05.06.	$50,7 \pm 0,88$	$49,0 \div 52,0$	57,0	3,79	3,0
17.05.06.	$50,2 \pm 0,17$	$50,0 \div 50,5$	301,0	0,72	1,0
24.05.06.	$81,8 \pm 6,72$	$74,8 \div 95,2$	12,0	28,91	14,0
31.05.06.	$68,2 \pm 0,29$	$67,7 \div 68,7$	235,0	1,25	1,0
07.06.06.	$69,2 \pm 0,36$	$68,7 \div 69,9$	192,0	1,55	1,0
10.07.06.	$85,1 \pm 0,46$	$84,5 \div 86,0$	186,0	1,97	1,0
10.08.06.	$96,3 \pm 2,33$	$92,0 \div 100,0$	41,0	10,04	4,0
18.09.06.	$90,9 \pm 9,53$	$74,2 \div 107,2$	10,0	41,00	18,0

Бақылау нұсқасында тотықсыздандыған күкіртті сутегінің мөлшерінің көп жиналған кезі күріш тұқымын топырақ-ка еккен кезеңге сай келіп отыр (2-

сурет). Осы уақытта ұрық тамырдың дамуына зиянын келтіреді. Себебі бұл кезде күріш тұқымы күкіртті сутегіне өте сезімтал болып өскіннің өнуі бәсекедейді.




2-сурет - Күкіртті сутегінің бақылау нұсқасындағы маусымдық құбылымы (вегетациялық тәжірибе)

Осы жағдайда біз дәстүрлік технологияның ең бір кемшілігі деп білеміз. Арықарай мамыр айының үшінші апталығында бақылау нұсқасындағы күкіртті сутегінің мөлшері өзінің даму шегінен төмендей бастайды. Құзде атыздағы суды жібергеннен кейін күкіртті сутегінің мөлшері жоғарыладап 90,9 мг/кг деңгейге жетті.

Топырақты алдын ала суға бастыру технологиясы арқылы, күрішті көшеттік

тәсілмен отырғызған кезде күкіртті сутегінің өсімдікке кері әсер ету деңгейін реттеуге болатыны анықталды.

Далалық тәжірибеде күкіртті сутегінің топырақ құрамындағы құбылымы осы заңдылықты қайталайды. Бұл жағдайда да күкіртті сутегінің маусымдық құбылымын зерттеу нәтижесі оның топырақ суға бастырылышымен - ақ пайда бола бастайтындығын көрсетеді (3-сурет)[3].



3-сурет - Күкіртті сутегінің маусымдық құбылымы (далалық тәжірибе)

Суға бастырар алдындағы топырақта оның мөлшері 64 мг/кг болса он күннің ішінде оның мөлшері айтарлықтай жоғарылад 85,2 мг/кг дейін көтеріледі. Ал көшетті атызға отырғызу кезеңінде оның мөлшері аздала 79,5 мг/кг дейін төмендеп көшеттің жақсы тамырлануына жағдай туады. Осы жерде айта кететін жағдай күріш көшеттік технология бойынша егілген жағдайда оның жапырақтарының су бетінде тұрып өсімдіктің ауамен қамтамасыздығын жақсарту арқылы дәстүрлік технологияда орын алған күкіртті сутегінің тұқым өнуіне кері әсер ететін жағдайды әлде-қайда бәсекесітеді.

Ал күкіртті сутегінің вегетация кезеңінің келесі мезгілдеріне келетін болсақ шілде айының басынан бастап оның мөлшері өзінің шарықтау шегіне 114,03 – 113,7 мг/кг жетіп, күзге дейін біртіндеп төмендейді. Атыздардың беті судан арылып топырақ құрамына ауа

кіре бастаған кезден бастап біртіндеп төмендеп алғашқы суға бастырылмай тұрған кездегі мөлшеріне дейін жетті.

### ҚОРЫТЫНДЫ

Күріш дәстүрлі технологиямен егілген жағдайда тұқымның өнү кезінде, топырақ құрамында оның далалық өнімділігін төмендететіндегі мөлшерде күкірттісуге жиналып үлгереді. Мұндай жағдайда жетерліктең өнім беретін күріш өскіндерін алу қынға түседі, сондықтан да шаруашылықтар бір гектарға себілетін тұқым мөлшерін 300 килограмға дейін көбейтуге мәжбур.

Ал күріш көшеттік технология бойынша егілген жағдайда күкіртті сутегінің мөлшерінің төмендеуі және күріш көшеттерінің жапырақтарының су бетінде тұрып өсімдіктің ауамен қамтамасыздығын жақсарту арқылы дәстүрлік технологияда орын алған күкіртті сутегінің тұқым өнуіне кері әсерін әлдеқайда төмендетеді.

### ПАЙДАЛАНЫЛҒАН ӘДЕБИЕТТЕР

1. Шарапов И.Д. Почвенные процессы на рисовых полях Южного Казахстана // В кн. Природа почв рисовых полей. - Алма-Ата: Наука, 1969. - С. 77-85.
2. Кузнецов С.И. Круговорот серы в озерах. Микробиология, - М.: т. 11, вып. 5-6, 1942. - С. 25-28.
3. Мұқанова Г.А., Отаров А. Егістікті алдын ала суға бастырған кездегі күріш топырағындағы күкіртсүтектің маусымдық динамикасы // Вестник Науки Казахского агротехнического университета им. С. Сейфуллина.- Астана 2007. №3 (46). - 31-35 б.

### РЕЗЮМЕ

В статье приводятся результаты исследования сезонной динамики сероводорода при технологии возделывания риса рассадным способом с допосевным затоплением почвы. Установлено, что при допосевном затоплении почв отрицательное влияние сероводорода на рис снижается.

### RESUME

In article shown results of research of seasonal dynamics of Hydrogen sulphide at technology rice cultivation seedling in the way with until crop soil flooding. It is established that at until crop flooding of soils negative influence of hydrogen sulfide on rice decreases.